

Messadi pertuccond revisiun parziala dalla lescha da taxas tier la lescha da baghegiar

Preziau signur president dil parlament
Stimadas parlamentarias, preziai parlamentararis

El rom dalla deliberaziun dalla lescha da baghegiar el parlament communal ei la cussegliaziun en damondas dalla formaziun stad'in tema dispiteivel. Ella cumissiun predeliberonta ei vegniu discutau davart la proposta, che la vischnaunca dueigi purtar ils emprems 1'000 francs dils cuosts per in'eventuala cussegliaziun en damondas dalla formaziun. Leutier ei in'adattaziun digl art. 4 dalla lescha da taxas tier la lescha da baghegiar necessaria. Aschia vegn ei contonschiu che per l'ina la vischnaunca incarichescha a moda precauta la cussegliaziun en damondas dalla formaziun e per l'autra, ch'ils patruns da construcziun han da purtar pli paucs cuosts supplementars.

Sboz per l'adattaziun dalla lescha

Art. 4 Ulteriuras expensas

- 1 Per damondas da baghegiar, che caschunan extraordinariamein bia lavur, ei la taxa da tractament d'augmentar a moda adeguata; art. 1 al. 2 vala conform al senn.
- 2 Expensas supplementaras ed inspecziuns al liug ch'ei necessarias, perquei ch'ils documents dalla damonda da baghegiar ein incomplets ni perquei ch'ils plans e las prescripziuns ein buca vegni observai, sco era controllas supplementaras dalla polizia da baghegiar pervia da reclamaziuns vegnan messas a quen tenor la lavur effectiva.
- 3 La vischnaunca surpren per damonda da baghegiar ils emprems 1'000 francs dallas expensas che seresultan el rom d'in'eventuala cussegliaziun en damondas dalla formaziun. Ils cuosts che surpassan quella summa vegnan mess a quen.
- 4 En connex cun expensas per *ulteriuras* prestaziuns da tiarzs (expertisas, cussegliaziuns, cuosts da publicaziun e per l'inscripziun el cudisch funsil, controlla dalla cumprova d'energia etc.) valan art. 96 al. 1 e 2 LPTGR.
- 5 Tut las taxas ed ils cuosts per lubientschas supplementaras van a quen dils petents.

Tenor art. 35 lit. a dalla constituziun communal ei il parlament communal responsabels per midadas da leschas. Il referendum facultativ tenor art. 32 al. 1 lit. a resta resalvaus.

Proposta

Sin fundament dallas explicaziuns precedentas fa la suprastonza communal la proposta d'approbar la revisiun parziala dalla lescha da taxas tier la lescha da baghegiar dalla vischnaunca Ilanz/Glion.